

煖酒淋洗瘡上日三易

聖惠方治蛇入口并入七孔中

割母猪尾頭瀝血滴口中卽出

治卒入山草禁辟眾虵藥術方第五十八

辟眾虵方

同前姚氏仙人入山草法

辟虵之法雖多唯以武都雄黃爲上帶一塊右稱五兩於肘間

則諸虵毒莫敢犯

他人中者便磨以療之又帶五蛄黃丸良丸有蜈蚣故方在於備急中此下有禁法云不受而行則無驗

道藏輯要

肘後備急方

三

虛集十一
川文川

虵毒勿渡水渡水則痛甚於初螫

亦當先存想作大蜈蚣前已隨後渡若乘船渡不作法殺人入山並不得呼作虵皆喚爲虵中之者彌宜勿誤辟虵法

到處燒殺羊角令有烟出虵則去矣

附方

廣利方治諸虵毒螫人欲死兼辟虵

乾薑雄黃等分同研用小絹袋貯繫臂上男左女右虵聞藥氣逆避人螫毒傳之

治卒蜈蚣蜘蛛所螫方第五十九

葛氏方割鷄冠血塗之